

七、身軀拖累，慣性之源

辰星地星，地球是也。地星眾生元靈皆為軀殼保護，以氣與水活之。軀殼保護元靈，然亦拖累元靈。眾生遊戲塵世，本富貴浮雲，世間一切皆為短暫之相。五蘊、六慾、七情為軀體之官感，為保護軀體之用。然世人無明，所念只為軀體官感享受，故軀體成為緊束困綁元靈之物。執於身軀之享，其魂必不得解脫。

身軀乃供修靈之用，魂借身軀而修，即藉假修真，尋覓真如，有朝證修，歸返道位，此等行思方為正念。若愚昧無知，誤假為真，盡求塵享，慣陋惡習任其橫行，染之而不知其毒，造孽累累。一朝軀敗，魂歸陰府，欲覓人身，來世因果，尚待斟酌。人身若失，何以為修。

身軀即方舟，浮沉於苦海，苦海即凡塵。佛勸世人達彼岸，須棄舟，方稱登岸。若執於身軀，即難棄舟，何以離苦。達彼岸而不捨得離棄方舟，只好回歸苦海。身軀為假，修靈為真，有命無軀不行，有軀無命亦不可，故須性命雙修。魂藉身軀而修，若身軀不健全，何以得修？軀強壽延是為了有更多時間供修行，而非為身享。